



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 50. Imperator in monte Cassinensi.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. civium parvulos, ejulantes, & orantes,
 A.C. 1022. ut urbi eorum parceretur, Henricus:

*Qui omnium corda scrutatur Deus novit,
 non me sed eorum Patres hos parvulos per-
 ditos voluisse.* Tunc illacrymatus pue-
 ros incolumes reduci jussit. Altera luce
 iterum emissi redeunt ad castra infantes
 puerili vociferatione eadem precantes.
 Quibus conspectis Imperator illud Do-
 mini nostri protulit: *misereor surper tur-
 bam*, & urbem pactis conditionibus rece-
 pit; quippe minatus fuerat, se captum
 oppidum flammis, & puberes omnes la-
 queo deleturum.

§. L.

Imperator in monte Cassinensi.

Chron. Cass. **H**enricus rebus in Apulia compositis ad
 montem Cassinum cum Benedicto
c. 42.
Mabill. Sæc. Papa divertens, monachis per electionem
6. p. 101. novum Abbatem secundum præscriptum
 Regulæ Atenulpho subrogantibus adfuit.
 Non nullis Fratribus Joanni Abbati, qui
 munus abdicaverat anno nongentesimo
 nonagesimo septimo, in hoc conventu
 præsentis, suffragantibus, sanior pars exi-
 stimavit, virum per decrepitam ætatem
 huic officio satisfacere nullatenus posse,
 omnesque tandem consenserunt, eligen-
 dum esse Theobaldum ad S. Liberatorem
 Præpositum, qui Benedictionem Abba-
 tialem in Festo S. Petri vigesima nona Ju-
 nii recepit.

Theo-

Theobaldus e monasterio exiit cum pluribus aliis, Mansone Abbate regimen gerente, & Jerosolymam peregrinatus est. Redux a Joanne II. Abbate Præpositus montis Cassini, & post aliquot annos S. Liberatoris in Comitatu Theatino seu *Cbieti*, patria sua, constituitur. Annis quindecim, quibus istud Monasterium gubernavit, Ecclesiam, aliaque ædificia magnifice reparavit, complures fundos acquisivit; sed nec minori cura per annos tredecim Abbas montis Cassini rem familiarem auxit.

Henricus Imperator in illo monasterio versatus morbo colico & tribus exiguis renum calculis liberatus, beneficium adscripsit precibus S. Benedicti, (*)

I 2

quem

(*) Cardinalis Baronius ex Leone Ostiensi: *Sæpe tamen scrupulo non parvo movebatur, an Pater Benedictus corporaliter in hoc loco quiesceret; cum igitur præ dolore nec plene vigilans, nec integre dormiens quemdam pateretur excessum, apparuit ei Beatus Benedictus, atque ad eum quasi visitaturus accedens, ubi pateretur, quæsit. Cui languorem protinus confitenti, scio, inquit, Benedictus, te an hic quiescam hætenus dubitare, sed ut nullo ejusmodi scrupulo ultra movearis, meumque corpusculum hoc in loco quiescere, certius noveris, hoc tibi signum erit: cum primo mane surrexeris, in egestione urinae tuæ tres simul emittes grandiusculos lapides*

Sæculum XI.

A.C. 1022.

Sup. lib.

LVII. §. 39.

c. 43.

Sæculum XI. quem in somnis conspicuum habuerat,
A.C. 1022. sibi vaticinantem, quod sanitati esset
 restituendus, tum etiam affirmantem
 quod ipsius Reliquiæ in monte Cassino
 quiescerent. Nempe Imperator cum
 ceteris hominum hucusque crediderat,
 mortales S. Benedicti exuvias in Francia
 Floriaci ad Ligerim existere, quo an-
 no sexcentesimo quinquagesimo tertio
 translata fuissent. Itaque in grati ani-
 mi pignora Henricus Imperator Ecclesiæ
 Montis Cassinensis dona pretiosa obtu-
 lit, librum Evangelii auro tectum, cali-
 cem aureum, cui gemmæ insertæ, & mul-
 tas vestes auro turgidas. Privilegia quo-
 que & Donationes huic monasterio fa-
 ventes confirmavit. Præterea Papa &
 Archiepiscopus Colonienſis, ut pro re-
 cuperata sanitate Cæsaris Deo gratias
 agerent, congrua dona obtulerunt. Ex-
 inde

*pides, & ex tunc dolore isto nunquam ultra
 detineberis. Ego autem sum Frater Benedictus.
 His dictis evanuit.*

At Pater Antonius Pagius ad hunc annum
 dicit: Corpus autem S. Benedicti existere in
 Monasterio Floriacensi in Gallia, illuc e Mo-
 nasterio Cassinensi translatum, Benedictini Galliæ
 solide probarunt, & conficta esse, quæ Baronius
 ex Leone Ostiensi narrat Leoni itaque
 Ostiensi Episcopo & Monacho Cassinensi hac in
 re fides non adhibenda.

inde Imperator, cum persuasissimum sibi haberet Reliquias S. Benedicti in monte Cassino fervari, historiam illam, qua translatae in Franciam dicebantur, ubicunque eam deprehendere potuit, cremari iussit. Quo non obstante Franci & plerique aliarum nationum viri docti hujus Translationis veritatem propugnant, & Festum proprium undecima Julii celebrant. Soli ferme Itali ex argumento hujus Revelationis aliarumque similium contendunt, S. Benedicti Corpus nunquam Cassino ablatum, aut iterum eo revectum fuisse.

Sæculum XI.
A. C. 1022.

c. 44.

vit. Mabill.
Dissert.
Sæc. 2. Art.
SS. Ben. p.
337.

§. LI.

*Concilium Selingestadiense.**

Grassante in exercitu contagione Imperator, maxima qua poterat celeritate, alpes repetiit, atque in Germania Concilium Selingestadii prope Moguntiam undecima Augusti eodem anno 1022. Indictione quinta celebravit. Aribon hujus Concilii Præses nuper Erkemboldo seu Archambaldo successerat in Sede Moguntina, quam annis ferme decem tenuit. Aderantque præterea in ista Synodo Episcopi quinque, Wormatiensis, Argentoratensis, Augustanus, Bambergensis, & Herbipolensis, Ecclesiæ Moguntinæ Suffraganei.

* in Actis
Salegun-
stadiense.
Chron. Sax.
tom. 9. Conc.
p. 844.
Serrav. Mo-
p. 729.